



Universitätsbibliothek Paderborn

Vita Francisci Borgiae Tertij Societatis Iesv Generalis

Ribadeneyra, Pedro de

Mogvntiae, 1603

XVI. Mittit Socios Catechistas in Asturum agros Hispaniæ, & in Medaurum
Africæ

urn:nbn:de:hbz:466:1-45256

210 DE VITA FRANC. BOR.
dales. Nihil his tempestaribus,
aduersisque fractus F R A N C I -
S C I animus , quin & fortius,
palmæ instar, nitebatur.

CAPUT XVI.

*Mittit Socios catechistas in Asturum
agros Hispaniae, & in Mada-
rum Africa.*

CHRISTOPHORVS Rogius
Sandoualius , qui post ex
Episcopo Ouetensi , & Pacensi,
Hispalensis Archiepiscopus de-
cessit, F R A N C I S C U M amaner-
monuit, Asturum, montiumque
incolis circa Ouetum habenti-
bus, non solum victimum in sum-
ma temporum difficultate, ex
continenti annorum aliquot
sterilitate deesse; sed, quod rei
caput est, etiam doctrinæ Chri-
stianæ præcepta , & cœlestis pa-
nis frequenter usum. Astu-
rum

rum enim ager, licet optimorū
ferax equorum est; ingeniorum
nō item, in agrestibus præsertim
hominibus. Adeò verum illud,
Non omnia uno solo, cæloque nasci.
Nec mora. FRANCISCVS ad Io-
annam clarissimam Hispaniæ
Principem, quæ absente in Bel-
gio Rege Philippo, imperabat,
Ouetensis agri inopiam animis
corporibusque sustentandis, re-
tulit: opem implorat: se in par-
tem laborum venturum, missu-
rumque Socios, qui rudimenta
doceant, & sacra procurent: sed
quando in tanta rerum omniū
indigentia, ut anni tempus erat,
inanis venter auribus careret,
rogat, Asturum inopiam suble-
uare vellet. Sic enim fore spe-
rabat, ut fructus non pæniten-
dus animorum colligeretur. Ve-
tus enim, fructuosumque So-
cie-

212 DE VITA FRAN. BORG.

cieratis est institutum, in pag-
norum agros excurrere, & quasi
legationem Dei, docendo, con-
cionandoque obire. Princeps
illa, ut ad omnia pietatis officia
propendebat, Asturum inopia
subleuandæ, quattuor autem
millia ex aerario publico nume-
randa curauit. Hæc ut pauperi-
bus viritim distribuerent, duo
Socij prefecti, Petrus Saauedri-
us, & Caruaialius, agrumque
per se sterilem, diuini verbise-
mine ita coluerunt, ut tum pri-
mum nati, videntesque qui cæ-
ci ad eam diem fuissent, sibi vi-
derentur. Missi item à FRANC-
ISCO Socij extra Hispaniam,
in Mauritaniæ Cæsariensis vrbē,
hodie *Oranum*, quam olim Ico-
sium alii, alii Madaurum, L. Ap-
puleij patriam, existimant. Quæ
vrbis in Africæ ora sita, Francisci
olim

olim Ximenij Cardinalis, & To-
letanorum Archiepiscopi opi-
bus, aucupijsq; capta, præsidiis
nunc Catholici Regis tenetur,
aduersus Maurorum incursio-
nes. Exercitus in Hispania nau-
ibus eo deportabatur, ad gentes
illas, Christiani nominis acerri-
mos hostes, debellandas, anno,
opinor, cl. I. l. LVIII. Igitur mis- 1558.
si à FRANCISCO è nostris, Petri
duo, alter Martinez, qui post
Martyr obiit in Florida, insula-
norum insidiis. Alter vero, Pe-
trus, cognomento Domenichus.
Eductis in hostem copijs, Mo-
staganum oppugnaturis, iussit
belli dux in vrbe Socij manerét,
egrotis quadringentis militibus,
qui in nosocomio decumbe-
bant, operam nauarent. Hi, ta-
metsi militibus animum in præ-
lio addendo præsto esse mallēt,
dicto

214 DEVITA FRANC. BOR.

audientes fuerunt, & visum magno illi Imperatori DEO, ut ad maiora reseruarentur. Cæso enim ad interencionem exercitu, captisq; qui cladi superfuerant, periculum nostri euitarunt. Post in Hispaniam reuersi, mortuorum se in numerum relatos, sacris etiam rite peractis competerunt.

CAPVT XVII.

In Lusitaniam reuersus, Provincia obita, lustrat fundatq; Collegia.

SEMEL, iterumque Lusitaniam ingresso, sed negotiorum duntaxat gratia, Sociorum Collegia lustrare solatumque otiose adferre, integrum non fuerat. Commodum iam per ea ipsa tempora, Henricus, Lusitanæ Princeps, Cardinalis (qui & Seba-